

Bakuna kontra Corona



Kiko ta un bakuna kontra Corona?

Un bakuna kontra Corona ta protehá bo kontra e vírùs di Corona. Bo ta haña e bakuna via un angua den e parti ariba di bo brasa. Despues di e bakunashon bo no ta bira malu di e vírùs, òf bo ta bira ménos malu.

Kiko ta pasa den bo kurpa?

Dor di e bakuna bo kurpa ta traha antipurpa kontra e vírùs. Esakinan ta pone ku bo kurpa ta rekonosé e vírùs despues di e bakunashon.

Bo kurpa por eliminá e vírùs lihé e ora ei. Sea bo no ta bira malu òf bo no ta bira hopi malu.

Ainda no ta konosí pa kuantu tempu e bakuna ta protehá bo kontra Corona.

E ta seif?

A traha e bakunan akí mas lihé ku sa traha otro bakuna.

Pasobra hopi hende rònt mundu a traha huntu riba un bakuna.

No a salta ningun stap. No ta posibel tampoko, pasobra e reglanan pa traha un bakuna ta mashá strikto.

Ora a kaba ku e bakunan, a tèst nan riba hopi hende.

Despues e organisashonnan EMA i CBG a aprobá nan.

Entretantu a tèst e bakuna di Pfizer / BioNTech riba mucha for di 12 aña.

A aprobá e bakuna akí pa nan tambe.

Efekto sekundario

Meskos ku ta e kaso serka tur otro bakuna, bo por haña keho despues di e bakuna akí tambe. Esei yama efekto sekundario.

Bo por sinti por ehèmpel:

- doló kaminda a pasa e angua
- doló di kabes
- kansansio
- doló di múskulo
- keintura

Esakinan ta síntomanan leve. Nan ta komun i nan ta disparsé di mes despues di algun dia.

Efekto sekundario (bijwerking) grave no ta komun. Pero yama bo dòkter di kas si bo tin hopi keho òf síntoma den e simannan despues di e bakuna.

Pa ken e bakuna ta?

Na Hulanda tur hende for di 12 aña por traha un afspraak.

Bo por hasi esei online òf na telefòn.



Online bo por traha un sita riba: www.coronavaccinatie-afspraak.nl.

Na telefòn bo por traha un sita via e number: 0800 7070

Tin diferente bakuna.

Bo no por skohe kua bakuna bo ta haña.

A tèst i aprobá tur bakuna ku ta wòrdu usá.



Na estado

Hende muhé na estado tin mas chèns di bira hopi malu di Corona. P'esei e konseho ta: Tuma e bakuna si bo ta na estado òf si bo ta purba sali na estado.

E konseho akí ta bini di ginekólogo, partera i dòkter di mucha hulandes.

Seif

Dòkter i sientífikonan a investigá e bakuna na momento di embaraso.

For di e investigashonnan a sali na kla ku:

- E bakuna ta seif pa hende muhé na estado
- E bakuna ta seif si bo ta purba sali na estado
- E bakuna ta seif pa e beibi den bo barika
- E bakuna ta hasi e chèns ku bo ta bira hopi malu di Corona hopi mas chikí
- E bakuna ta seif si bo ta duna lechi di pechu

Bo ta duda si bo tin ku tuma e bakuna òf nò? Papia ku bo partera òf ginekólogo.

Ki ora bo no ta haña bakuna?

Yama bo dòkter di kas si:

- anteriormente bo tabatin un reakshon alérgiko despues di un bakuna
- despues di e promé angua bo tabatin un reakshon alérgiko hopi fuerte

Ta mihó pa bo posponé bo bakunashon i traha un sita nobo si:

- bo ta hopi malu e dia di bakunashon
- bo tin keintura di 38 grado òf mas haltu
- bo tin Corona
- bo tin síntoma komun relashoná ku Corona
- bo a hasi un tèst di Corona i bo no a haña e resultado ainda
- bo tabata den kontakto ku un hende ku Corona

Despues di bakunashon

Si despues di e bakuna bo haña síntoma di corona tòg, bai hasi un tèst.

Despues di bakunashon e chèns ta mas chikí ku bo ta pega otro hende. Pero bo por pega hende ku e vírus despues di a bakuná sí.

Sigui e konsehonan general despues di bakunashon tambe, manera laba man i habri bentana.

Un angua èkstra - e boosterprik

For di novèmber 2021 ta kuminsá pasa angua èkstra.

E angua èkstra akí ta sòru pa bo ta protehá pa un periodo mas largu. E ta hasi e chèns di bira hopi malu aun mas chikí.

E siguiente personanan ta haña un angua èkstra promé:

- Hende di 80 aña òf mas grandi
- Hende den un kas di kuido òf institushon
- Hende ku ta traha ku pashènt

Despues hende bou di 80 aña ta haña un angua èkstra.

Esei lo tuma lugá di grandi bai chikí: esnan mas grandi di edat ta yega na bùrt promé i despues esnan mas yòn ta sigui.



Si bo tin otro pregunta tokante Corona-vírùs:

Yama **0800-1351**

Deze begrijpelijke informatie is gebaseerd op de adviezen van Rijksoverheid.nl en informatie van het CBG.

De informatie is getest met taalambassadeurs van Stichting ABC.

29 november 2021 – versie 9